

Павел Николаевич Харитонов - Ойуку

«Бурбаллай»

Көмүс солко нуоҕайдаах,
Кустук өнө кутуруктаах,
Хоруоналыы тараахтаах,
Хатырыктаах атахтаах,
Саҥа титиик уйалаах,
Сымнаҕас от сыттыктаах,
Күөкэримэ күрүүлээх
Далларыма даллаах
Бурбаллай Бөтүүк суостаах
Баҕыыр курдук тумустаах.
Букатын бухатыыр ааттааҕа
Барыбыт сүрэх баастааҕа.
Титиигигэр киирдэххэ,
Тиэрэ тэбэн түһэрэрэ,
Тохтооботу торуйара,
Тобулута тонсуйара.
Кинэ-хаана киирдэбинэ,
Куллугуруу хахаарара.
Көһнүүөрэ кэллэбинэ,
Күнү быһа ыллыыра.
Хамаандаһыт күөмэйинэн
Харса суох чоргуйара.
- Кэ-кэ-рэ-куук! Тура охсун!
Күн таҕыста! – ыллыыра.
Чобуо, көрсүө чоппуускалар
Чубугуруу оонньуулар,

Чиэрбэ үөнү буланнар
Чубу-чыбы ынгырсаллар.
Бурџаллайы көрөннөр
Бары үргэн сырсаллар,
Ийэлэрин хооньугар
Бэрт түргэнник саһаллар.
Бурџаллайбыт бэрдэ
Киһиргиэбин баџарда:
- Куттаныман, миигиттэн,
Көмүскэһиэм иэдээнтэн!
Былдаан ылбыт аһылыгын
Аџыйахта тонсуйда.
Абыранан, үссэнэн,
Алларастыы үөрдэ.
-Сымыппын тэһиэхпиттэн
Сымсаџайбын тэпсэргэ
Эһигини бу күнтэн
Эрчийиэџим киирсэргэ!
Бааһын-үүтүн барытын
Бойобуой бэлиэм диэтэ.
Бүргэстэрдээх атаhtarын
Буору хаһан бурууһаата.
Чоппуускалары үөрэтээри
Чугастары муспута.
Көрдөрөн туран киһиргээри
Көтүөккэлии хаампыта.
Ол-бу диэки олоотоото,
Олуур аанын манаата.

Быгыалаата, тохтоото,
Букатын доѳор булбата.
Арай ыаллыы титииккэ
Атын билбэт Бөтүүгэ
Кууруссалаах чоппуускалыын
Күүлэйдииллэр иллээхтик.
Бурѳаллай олус үөрдэ.
Бэрдин! Өрө тэйдэ.
Сэрэппэккэ үөмтэ,
Саһан, саба түстэ.
Ыал Бөтүүгэ өмүрбэккэ
Туора көтөн биэрдэ.
Бурѳаллайы өттүккэ
Тиэрэ тэбэн түһэрдэ!
Кок-коок, көлөөк! Куот-куот!
Көхтөөх күлсүү буолбута.
Кок-коок, көлөөк! Саат-суут!
Киһиргээн быстыбыта.
Тумустара токуруйан,
Харахтара бүлтэйэн,
Тараахтара сарайан,
Хата, куотта, бурѳайан!
Чоппуускалар бааллара
Чубугуруу күлүстүлэр.
Чугас ыаллар оѳолоро
Чугуутаһан кэллилэр.
Ийэ куурусса бэйэтэ
Оѳолорун үөрэттэ:

- Эрдэ сытын, эрдэ турун,
Эйэлээхтик улаатын!
Чоппуускалар чуумпуран
Чобоорхойо истэллэр.
- Чууп-чууп, бэрт сөп! – чобоорон
Чубугуруу үөрсэллэр.
Бурбаллай эрэ сордоох
Букатын истибэт муннаах.
- Кэ-кэ-рэ-куук! Кыай-дыым!
Кыһытыттан хаһытыыр.
- Оџолорум, өйдөөн эһи
Охсуһуугу, киһиргэһи
Барыларын күлэллэр,
"Бурбаллайдар" дэһэллэр.